

Me titiro ki nga huarahi whakapapa e mau ake nei, timata iho i a Tuiringa, i te tangata e kiia nei nana i tuku tenei whenua, me nga herehere o Ngai te Riu, a Te Romate, me Tuku, i tangohia mai nei e Ngati Tawhaki i a Ngati Whare i Arikirau, ara :—

Tamahore	Te Romate					
Te Pahii	Te Kiripapa	Tuku				
Rangiwhakahaerea	Putahina	Murahioi	Tuiringa			
Turaki	Te Haunui	Taratoa	Tupaea			
Tupaea	Rautipu*	Matika	Mokonuiarangī			
Miria*	Te Atamea	Mihaka	Tawera	Te Puehu	Ruru	Te Kurapa
Poniū.	Te Koro.	Reupena.*	Tuiringa.*	Te Hokotahi.*	Moheke.*	Matu te Kurapa.*

* Kei te ora.

I runga i te titiro ki enei huarahi whakapapa ka tino marama kaore rawa i te riterite te wa o nga tangata e korerotia ana mo tenei tuku, e kore rawa e ahei kia kiia kotahi ano to ratou whakatupuranga i ora ai ratou.

Na mo te taha ki nga noho; e whakaaetia ana i noho a Ngati Tawhaki ki tenei whenua i te wa i huihui ai nga hapu katoa o Tuhoe ki Ruatahuna noho ai, kia ora ai ratou i nga wa o nga whawhai o mua. Ki ta matou whakaaro kei te tino marama te he o nga take o tenei kereme. No reira ka tohutohu penei atu nei matou ko te rarangi ingoa i tukua mai hei whakauruhanga atu i raro i tenei keehi me hinga, me tenei piira me whakakore atu.

E tohutohu atu ana ano hoki matou ko te rohe tonga-rawhiti o Ruatahuna Poraka me whakatikatika—me nga eka o te poraka me whakatikatika i runga i tera whakaritenga—kia whai tonu i runga i te rohe tonga-rawhiti hou kua oti nei te whakatikatika, a e mau na te whakaatu i runga i te mapi.

Ko nga tangata e whitu e mau ake nei nga ingoa i raro he tangata i kowhiria e nga tangata nona te whenua i roto i a ratou hei mema mo te Komiti Hapu mo tenei poraka, a i whakaaetia ano hoki e nga tangata katoa o taua whenua i tae mai ki te aroaro o tenei Komihana i te nohoanga ki Whakatane i te 8 o nga ra o Maehe, 1907.

1. Te Wharepouri te Amo.
2. Te Iriwhiro te Wiremu.
3. Paraki Wereta.
4. Mihaka Matika.

5. Numia te Ruakariata.
6. Hiraka Paora.
7. Te Waaka Hatata.

GILBERT MAIR (Tawa).
D. F. G. BARCLAY (Pakere).
PARATENE NGATA.

OMAHURU PORAKA.

Piira Nama 119.—A Mika te Tawhao me etahi atu; he whakauru i etahi tangata hou e ono.

Piira Nama 120.—A Ereatara Heremia me tetahi atu; he whakauru i etahi ingoa tangata hou tekau ma tahi.

I te mea kaore he kai-whakahe ki enei piira e rua, no reira kua mahia a kua apititia atu e matou ki te whairu he rarangi e whakaatu ana i o ratou ingoa tekau ma whitu, timata i te Nama 238 tae noa ki te 254, me nga hea mo ia tangata o ratou, a e tohutohu atu ana hoki matou ko aua ingoa me aua hea me hono atu ki te ota.

Piira Nama 117.—A Te Wharau Tapuae.

Piira Nama 118 me 121.—A Te Hapuku Hopa.

Ko enei piira e toru i unuhia e Te Wharau Tapuae mo te taha ki nga kai-piira; kaore he kai-whakahe; a e tohutohu atu ana matou me whakakore atu aua piira.

Piira Nama 122.—A Te Waaka Paraone te Ranui.

Ko tenei piira i waihotia e te kai-piira ki etahi tangata i whakaritea e ia i te 8 o nga ra o Hanuere, 1907. Otira kaore kau he tangata i tu mai ki o matou aroaro tono mai ai kia whakahaerea tenei keehi, mai o taua ra a taea noatia te mutunga o te nohoanga o tenei Komihana i Te Whaiti i te 28 o nga ra o Maehe, 1907. No reira matou i tohutohu penei atu ai me whakakore atu tenei piira.

Ko nga tangata e ono e mau ake nei nga ingoa i raro he tangata i kowhiria e nga tangata nona te whenua, i roto i a ratou, hei mema mo te Komiti Hapu mo tenei poraka, a i whakaaetia ano hoki e nga tangata katoa o taua whenua i tae mai ki te aroaro o tenei Komihana i te nohoanga ki Whakatane i te 8 o nga ra o Maehe, 1907.

1. Te Pairi Tuterangi.
2. Te Tawhi Tapuae.
3. Mohomoho Waretini.

4. Taihako Poniwahio.
5. Tuhukia te Hiko.
6. Te Ahu Hopa.

GILBERT MAIR (Tawa).
D. F. G. BARCLAY (Pakere).
PARATENE NGATA.